

十二、源流考

（一）黄氏嬴姓祖少昊考

《史记》秦本纪曰：秦之先为嬴姓，其后分封，以国为姓有黄氏。杜预《左氏传》注云：黄嬴姓通。《国志》云：嬴姓出于陆终，陆终出于高阳。《说文》云：嬴，少昊氏之姓。《顾氏春秋·世系表》云：嬴，已允偃俱少昊氏之后。《路史》云：青阳之裔娶高阳氏之女，曰修。生大业，大业娶少典氏之女华，生繇。虞帝以为士师，封于皋，是曰皋繇。有子三人，长柏翳，能训鸟兽，知其语言，以服事虞夏，始食于嬴，为嬴姓，封于费。生大廉，其后曰非子，周孝王封之秦。江黄耿弦兹蒲时白郟复巴寔谷麋邳葛际谭，皆嬴国也。《史

记》云：颛顼氏之苗孙曰女修，元鸟陨卵吞之，生子大业，大业取少典之子曰女华，生大费。与禹平水土是为柏翳，舜乃赐之姚姓之女，赐姓嬴氏。大费生大廉，若木大廉之元孙曰仲衍，为太戊御后，世有功于殷，故嬴姓多为诸侯。考高阳氏即颛顼氏，史记索隐谓大业，其父不著。秦赵以母族而祖，颛顼非生人之义，则为嬴姓出于高阳氏者误也。郯与黄同姓。《春秋左氏传》云：郯子来朝，昭子问焉，曰：「少昊氏以鸟名，官何谓也？」郯子曰：「吾祖也，我知之。」是嬴姓为少昊氏后而黄氏宜祖少昊之证也。

（二）黄氏为江汉间黄国之后考

黄氏以国为氏。《左氏》云：胙之土而命之氏。杜氏注曰：若胡公封于陈，命曰陈氏也。考春秋有两黄，一为与沈姒蓀并封之黄，入于晋，水经所谓水出太阳，汾阳县北即其地也；一为楚灭之黄，在江汉间，史记索隐所谓汝南弋阳县，故黄国《括地志》所谓黄国故城，汉弋阳县在光州定城县，今为光州治是也。《广輿记》云：黄歇宅即光州治，黄国灭于鲁僖公十二年，入于楚。春申君仕于楚，其故宅在黄国故城。知春申君为江汉间黄国之后也。汉代黄氏淮阳（《前汉书·循史传》：黄霸字次公，淮阳阳夏人，丞相封建成侯，谥曰定侯，子恩侯关都尉，赏子忠侯，辅卫尉九卿，辅子忠嗣侯，迄莽国除）江夏（《后汉书·文苑传》：黄香字文彊，江夏安陆人，魏郡太守。《后汉

书·黄琼传》：字世英，香之子，封祁乡侯，赠车骑将军，谥曰忠侯。孙琬，号子琰，太尉阳泉乡侯，诛董卓后死）最著，皆于江汉为近，则淮阳江夏诸黄皆江汉间黄国之后也。

（三）、黄氏郡望考

黄以国命氏 《史记》索隐汝南弋阳县故黄国。《括地志》黄国故城。汉弋阳县在光州定城县。梁置光州弋阳郡，治光山。唐太极元年徙治定城，今为光州治。《左氏传》胙之土而命之氏。注：若胡公封于陈命曰陈氏。 **出自嬴姓** 杜预《左氏传》注：黄，嬴姓国。《史记》正义，《括地志》同。其先曰大业少皞氏之后也 《史记》秦本纪：帝颛顼之苗裔，孙曰女修，生大业。女修大业之母，不得以母故

而祖其自出也。《说文》：嬴，少皞氏之姓。《顾氏春秋》：姓氏表，嬴已允偃俱少皞氏之后。母曰女修，吞元鸟卵生大业。秦本纪：女修识元鸟堕卵，女修吞之，生子大业。大业生大费，秦本纪：大业取少典之子，曰女华，生大费。与禹平水土，是为柏翳。舜乃妻之姚姓之女，赐姓嬴氏。大费生大廉，若木大廉之玄孙，曰中衍，为太戊御。后世有功于殷，故嬴姓多为诸侯。以上并见《秦本纪》。由殷历周，黄之传国为久。鲁桓公八年始见于《春秋左氏传》。桓公八年，《左氏传》：楚子合诸侯于沈鹿，黄随不会，使蒍章让黄。案：春秋有黄姒邑二，隐公元年，《左氏传》：惠公之季年败宋师于黄。杜预注：黄，宋邑。《寰宇记》：所云睢州之黄沟也。桓公十七年，公会齐侯盟于黄。杜预注：黄，齐邑。《陆史》：所云登州之黄县也，并非黄国。不堪楚虐，通于齐。《春秋》：庄公十九年，《左

氏传》楚子伐黄，败黄师于蹇陵。僖公二年，齐侯宋公江人黄人盟于贯。三年，齐侯宋公江黄人会于阳谷。四年，江人黄人伐郑。杜预注：受齐命讨陈之罪。卒以忤楚亡其国。春秋僖公五年，楚人灭

弦，弦子奔黄。十一年，楚人伐黄。十二年，楚人灭黄。案：《史记》楚世家，成王二十二年伐黄，成王二十二年为僖公十年，与《春秋》异。后三百余年至战国，其裔曰歇，事楚考烈王，号春申

君。以好客闻。赐淮北十二县地，徙封江东，而故宅乃在黄。

盖黄入楚后其宗族未尝他徙也。考烈王卒，诸黄避李园祸，始别著籍。秦并天下，有曰疵，为秦博士，著黄公四篇，其郡望不著。至汉而黄氏多见于史，于是在阳夏者曰淮阳黄氏，《前汉书》循吏传，霸，字次公，淮阳阳夏人，丞相封建成侯，薨谥曰定侯，子恩侯，赏嗣关都尉，薨，子忠侯，辅嗣卫尉九卿，薨，子忠嗣

侯，迄王莽乃绝。在余姚者曰会稽黄氏，《后汉书·酷吏传》：

黄昌，字圣真，会稽余姚人，大司农大中大夫。在慎阳者曰汝南黄

氏，《后汉书·黄宪传》：宪字叔度，汝南慎阳人，号曰徵君。在南

阳者曰南阳黄氏，《蜀志·黄忠传》：忠字汉升，南阳人，后将军关

内侯，卒谥曰罔侯，子叙，早卒无后。案：《吴书·黄盖》，故南阳太

守黄子廉之后，自祖迁零陵，南阳之有黄氏当自子廉始，子廉《汉

书》无考。在泉阳者曰零陵黄氏，《吴志·黄盖传》，盖字公履，零

陵泉陵人，武陵太守，偏将军。子柄，关内侯在阆中者曰巴西黄

氏。《蜀志·黄权传》，权字公衡，巴西阆中人，镇北将军，降魏，

封育阳侯，车骑将军仪同三司，卒谥曰景侯，子邕嗣，邕无子，绝

权，留蜀子崇，尚书郎。而江夏黄氏魏郡太守香，行尤显，时人

所谓『天下无双江夏黄童』也。香生琮，琮生琬，皆致位三公，《后汉书·文苑传》：黄香字文彊，江夏安陆人。《黄琮传》：琮字世英，魏郡太守香之子，司空封邳乡侯，薨，赠车骑将军，谥曰忠侯，孙琬，字子琰，太尉阳泉乡侯。案：黄氏谥忠二人，一丞相霸孙辅，一司空琮。安陆，今湖北德安府属。与东汉相终始。而湖南黄氏多系出江夏云。

(四)分宁双井黄氏源流总序

黄氏之出，论者不一。或谓出于有熊氏，有熊氏二十八子最少者昌，正典有功，封云黄氏。不数传黄氏失职降为庶人。周康王时有裔孙审、复封于黄，得继先祀，此一说也。或谓出于金天氏，自台骀封汾川，其后有沈、似、蓐、黄诸国，为晋所并，此一说也。采真子《集千姓编》载黄为嬴氏，派出陆终。溯自颛顼娶胜贵氏之女生卷章，卷章娶女娇氏生吴回，吴回生陆终。陆终六子、长樊、次惠连、三钱铿、四会人、五曹姓、六季连。再传有女修生大业、大业娶女华生大费，是为伯翳，佐禹治水有功，舜赐姓嬴。其后受封于黄，春秋时为江黄国地，归诸楚。今光州定城西十二里有黄国故址，此又一说也。总之以国为姓则不差！

当列国时晋人败楚于鄢陵，楚大夫黄襄枚身亲王厄，归而论功欲卿之，襄枚辞不受。君子曰：济难以权，义也；不尸其位，仁也，其有后于楚乎！共王之后曰怀王，时有黄齐。至顷襄王时，我祖歇公出焉，好学博闻，游说于秦。秦昭王与韩、魏共议伐楚，歇上书说昭王罢兵。而谢韩、魏发使赂楚，约为与国。歇归楚，遂与太子为质于秦。数年不得归，因与秦相应侯善说之，使太子归。后顷襄王卒，子考列王立，以歇为相。将淮北十二县封之，号曰春申君。考列王癸丑，春申君徙封于吴。后子悍作难几亡其宗，惟长子敖遁北粤，得延先灵之后。敖生庇，为秦博士，庇生极忠，为楚别将。略地江东，群盗胆寒。末年为西汉击伐有功，高祖十年癸丑封以千户，列爵为侯，越二十七年噩，谥曰庄侯。极忠生荣盛，封庆侯。荣盛生明，封恭侯。明子遂，失侯爵，去之阳夏，遂家焉。遂生敏，敏生调，调生建

成侯霸，霸生赏及辅，赏封忠侯，生子三曰衷曰敞曰元。衷仍居云阳，即今之茶陵。后相宣帝，卒葬杜陵，原官卫尉，以贤世其家。及汉平帝赐极忠九世孙敞为关内侯，至王莽时爵乃绝。其后仕至二千石者五、六人。或家酒泉、或家会稽、或家海南之郾阳、或家陈留皆因官以居。而在河南河阳者为最多，衷生显，显为中郎将。子当事更始，更始信任群小，当知难成大业。归汉说光武革命，后光武即位。护国大将军当实任之，当生访，访生儁，为会稽太守。子竟亦令会稽，竟生况，为叶县尉。况生香、平、宏、始凡四公。

香吏部尚书，生琼、琼生万、万生太尉琬，琬生酒泉太守衍及张与华。张居河西，华居兖州为太守。宏生徵宪浮。徵子伯仁生忠，为汉五虎将军。宪字叔度，生纯。浮生猷与盖，盖事孙吴为江表虎臣。始之子冕，生尚、尚生胜、胜生清盛、官潮州太守，子鼎自河南徙崇德。生锡，锡生汶，汶生子畴与毗，毗生子三：长御史保仁、次秀州

节度使保义、三左仆射保信。仁生表字宗远，抚州兵马节度使。信生贾，贾生实，实生任，封忠应侯。任生子峭，娶三妻生二十一子。义生莹，莹生洪与浩。洪之子：珍、瑕、瑶；浩之子：琛、玘、琬、璞、琚。珍居本籍金华，瑕之支则丰城沅江，瑶之支则豫章杏花村，琛之支则荆南监利，璞之支则福州弋阳，琬之支则福建蒲城，琚之支则越州诸暨，玘之支则分宁双井，皆自金华迁。

玘生子三：贍、贻、赋。贍以策干江南李氏，言不合只授著作佐郎、即知洪州分宁县，即今义宁州也，后弃官薄游湖湘间，晚年家迢瀨，有高蹈志。赋举武探花封显忠王。与兄贻同居分宁。贍生元绩、元吉。绩以进士第，授吏部侍郎，生中孚任朝奉郎，济与清其子也。吉赠礼部员外郎，聚书市田、卜居修水之上，筑两书馆於樱桃洞芝台，与四方学士讲明诗文不倦。厥后黄氏艺院蜚声相继、入仕途者四

十八人。吉之子中理、中顺、中雅，各五子，沔、滋、湜、淳、涣出于理，洙、注、渭、浚、灏出于雅，俱登黄甲。当时人曰为十龙。湜生庶，摄康州事，生六子：大临、庭坚、叔献、叔达、苍舒、促熊，皆有名望。而庭坚公独显，公字鲁直，号山谷，别号涪翁，谥文节，为有宋一代伟人。至今宠锡贤裔，荫生二员以崇前德，春秋国祭州主亲临义宁。晋绅先生刊其文集三十余卷奉为宝书。公生子二：曰杨、曰相，皆能继父志。厥后家声丕振，子姓愈繁，而两支绵衍分迁各处，实难枚兴也。

夫自春申君以至文节公，其间世次昭穆亦既详矣。后之览者有感于斯文，将望古遥集，发奋自雄，上继祖宗之令绪不难也！如第曰数典不忘祖则已，浅矣！

（五）文节公六世祖考

文节公，《宋史本传》云：六世祖贍，知分宁县。贍生元吉，元吉生中理，中理生湜，湜生庶，庭坚之考也。是以高祖之父为六世祖也。文节公叔祖南阳公与侍御公书云：始吾高祖与吾侄五代祖实亲昆弟，则黄氏以高祖之父为五世祖也，则贍公为文节公五世祖，而贍公之父乃为六世祖也。南阳公书又云：唐季畔溪避兵难，乃携持书室来分宁，伯仲非不睦也。是畔溪为南阳公之高祖也，贍公于南阳公为曾祖，则畔溪为贍公之父无疑也。旧谱载贍公之父名玘，然则畔溪乃其号而为文节公之六世祖也。

（六）文节公不祖义阳郡公考

庐陵义城谱称：陈义阳郡公法鼈（原字左奭右毛）公为汉阳泉乡侯琬公十六世孙。又称文节公六世祖玘公为义阳郡公九世孙。考文节公诗文集，详述祖德皆以著作公为断。南阳公序宗盟止于畔溪公。《康州公集》自序亦第称江夏，皆不一及。义阳郡公其非所出。可知惟世谱义主合宗，而义阳郡公系出江夏，于玘公实为九世族祖云。

案：陈书义阳郡公鼈（原字左奭右毛）都督豫建光朔合北徐六州诸军事，勋业甚盛。年五十九卒，赠侍中中权大将军司空，谥曰威。

（七）黄氏谱称世谱考

文节公集《留王郎世弼》诗，注云：王纯亮，字世弼，山谷之妹婿，见黄氏世谱。又《谢答闻善二兄九绝句》诗，注云：黄氏世谱，晦甫名昭。晦甫为侍御公昭之子，是分宁弋阳共为一谱，旧称世谱也。公之六世祖玘公，侍御公之五代祖璞公，丰城之始祖瑕公，清江之始祖琛公，皆昆弟也。弋阳世系见于世谱，则丰城清江世系亦宜见于世谱也。谱法多称欧阳氏家谱，苏氏大宗谱，而黄氏独曰世谱，则文节公所手定以自别于欧阳氏苏氏之谱。故黄氏仍以称世谱为当，第佚不传，乃仿欧氏为之。

（八）黄氏世谱始于文节公六世祖考

文节公《黄育字说》云：会稽黄渥与庭坚皆出于婺之黄田，七世

以上失其谱，是《黄氏世谱》自公之六世祖始，而七世以上皆阙也，旧谱于文节公六世以上增人数世，似非文节公时谱之，旧相沿既久，姑存其概，而其信而可徵者，仍以文节公六世祖为断也。

（九）房族考

案：泸溪谱分为九房：曰法鼈（原字左奭右毛）公房（参用江西蒲田谱），曰中孚公房（参用江西卢陵谱），曰琬公房，曰琰公房（参用福蒲田谱），曰瑕公房琛公房（参用江西清江谱），曰玘公房，曰璞公房，曰任公房（参用闽粤峭公谱）。而我族则玘公房也。省祠总谱又取他谱世系之不见泸溪谱者，为世系提纲补遗，分二房，曰梁公房，曰汉公房。而中孚公瑕公玘公璞公诸房世系之见于他谱者亦埒列于后，其余足备黄氏掌故者亦与为收录焉。

（十）十修源流考

国有史记，民有家谱。谱以记载世系辨昭穆也，岁月悠悠，人事繁衍。自赐姓命氏仿於轩辕，而吾宗自有熊国君后传至颡頊曾孙陆宗凡四传。至柏益佐禹平治水土，除灭猛兽有功，舜妻之姚姓之女，生大费，大费生大廉，历夏商周，世有封士。及战国时，歇公自黔中相楚有功，号春申君，与平原孟尝信陵同称四君。养士数千人，豪于一国。汉有霸公，宣帝拜颍川太守，后封建成侯，即纓公之子。歇公五代之孙迨至汉肃宗时，文彊公以孝博学，京师咸称『江夏黄郎天下无双』。肃宗诏封江夏郡，公才得江夏之名。至汉献帝时，吴有盖公字公覆，助孙权破曹，官封武陵太守，即黄皋之子。五官中郎将尚书仆射之琮，自此不可胜记。千支万派绵延不绝，布遍楚地南北皆有其裔。传至唐禧宗二年，我祖玘公，字汝珪，由婺州玉板桥携子迁移江

西宁州，地名修口双井，赠封著作佐郎，歿葬宗教寺左侧蛇形，刘氏太君诰赠马鞍君，葬白龟池，其子瞻，官封佐郎兵马副使，后梅甫昭公宋庆历监察御史，夷仲廉公嘉佑年间官封兵部御史，至元仕公生有九子十尚书。宋英宗中叶同登进士者四十八人，其优著者龙图阁学士文节公庭坚也，在宋与三苏齐名，称为江西诗祖，生于庆历五年六月十二辰时，至崇宁九月晦日歿于任所，葬双井。文节公始修宗谱，为后世不乱昭穆。自山谷一脉由来接近平江岳阳，朝昌公迁平邑，朝汶公迁九峰，朝政公迁梧岗，朝启公迁三阳，朝兹公迁六坪，朝宾公居市里，朝儒公迁鲁家墩，朝太公居象形，朝桂公居清潭，朝朴公后裔居鹿角万石湖，是知吾祖树德之厚，积庆之长，子孙繁衍。文有孔孟之贤，武有孙吴之机，功勋屡屡难以枚举。自此我江夏之裔遍于东南各省以及华夏中州矣。

一九九二年辛未仲冬月上浣之吉日

裔孙云青中祥撰